



নির্বাচন অধিকার
অতীত জরুরি

বাংলাদেশ নির্বাচন কমিশন
নির্বাচন কমিশন সচিবালয়

নম্বর-১৭.০০.০০০০.০৩৪.৩৬.০১৭.২৫-৩৫৯

তারিখ: ২৩ অগ্রহায়ণ ১৪৩২
০৮ ডিসেম্বর ২০২৫

ICPV পরিশিষ্ট-১

বিষয় : ত্রয়োদশ জাতীয় সংসদ নির্বাচন-২০২৬ এ দেশে অবস্থানরত ভোটারদের পোস্টাল ব্যালটের (আইটি সাপোর্টেড) মাধ্যমে ভোটদানের জন্য নিবন্ধন।

উপর্যুক্ত বিষয়ে আদিষ্ট হয়ে জানানো যাচ্ছে যে, গণপ্রতিনিধিত্ব আদেশ, ১৯৭২ এর অনুচ্ছেদ ২৭ এর দফা ১ এর উপ দফা (ক), (খ) ও (গ) এর আলোকে আসন্ন ত্রয়োদশ জাতীয় সংসদ নির্বাচন-২০২৬ এ দেশে অবস্থানরত নিম্নবর্ণিত ব্যক্তিগণ পোস্টাল ব্যালটে, নির্ধারিত পদ্ধতিতে, যা In Country Postal Voting (ICPV) নামে অভিহিত, ভোট প্রদান করতে পারবেন, যথা:-

- (ক) সরকারি চাকুরিরত কোন ব্যক্তি যিনি তার নির্বাচনি এলাকা বা ভোটার এলাকা ব্যতীত অন্য কোন এলাকায় চাকরীসূত্রে বা সরকারি দায়িত্ব পালনে নিয়োজিত আছেন;
- (খ) বাংলাদেশের কোন জেলখানায় বা আইনি হেফাজতে আটক থাকা কোন ব্যক্তি;
- (গ) কোনো ব্যক্তি তিনি যে ভোটকেন্দ্রে ভোট প্রদানের অধিকারী সেই কেন্দ্র ব্যতীত, অন্য কোন ভোটকেন্দ্রে নির্বাচন সংক্রান্ত কোনো দায়িত্ব পালনের জন্য নিযুক্ত আছেন;

এ লক্ষ্যে পোস্টাল ব্যালটের মাধ্যমে ভোট প্রদানের জন্য বিদ্যমান ব্যবস্থাকে প্রযুক্তিনির্ভর, আধুনিক ও সমন্বিত করার নিমিত্ত Postal Vote BD নামে একটি মোবাইল অ্যাপ প্রস্তুত করা হয়েছে। এর মাধ্যমে পোস্টাল ব্যালটে ভোট প্রদানে ইচ্ছুক গণপ্রতিনিধিত্ব আদেশ, ১৯৭২ এর অনুচ্ছেদ ২৭ এর দফা ১ এর উপদফা (ক) ও (গ) এ উল্লিখিত বাংলাদেশী ভোটারগণ অনলাইনে আবেদন করে ভোট প্রদানের জন্য নিবন্ধন করতে পারবেন। অনুচ্ছেদ ২৭ এর ১(খ) এ উল্লিখিত ভোটারগণ বাংলাদেশের কোন জেলখানা/আইনি হেফাজতে আটক থাকলে সংশ্লিষ্ট কর্তৃপক্ষের মাধ্যমে নিবন্ধন করতঃ ভোট প্রদান করতে পারবেন। আবেদনকারী ভোটারগণের তথ্যাদি যাচাইপূর্বক বাংলাদেশ ডাক বিভাগের মাধ্যমে তাদের ঠিকানায় পোস্টাল ব্যালট প্রেরণ করা হবে। রিটার্নিং অফিসার কর্তৃক প্রতীক বরাদ্দ হলে ভোটারগণ অ্যাপের মাধ্যমে সংশ্লিষ্ট আসনের প্রার্থী তালিকা সম্পর্কে অবগত হওয়ার পর প্রাপ্ত পোস্টাল ব্যালটে ভোট প্রদান করে প্রদত্ত ব্যালট ফিরতি খামে সংশ্লিষ্ট রিটার্নিং অফিসার বরাবর ডাকযোগে প্রেরণ করবেন। উল্লেখ্য, পোস্টাল ব্যালটে নিবন্ধিত ভোটারগণ সশরীরে ভোটকেন্দ্রে ভোট প্রদান করতে পারবেন না।

২। পোস্টাল ব্যালটের মাধ্যমে ভোটদানের জন্য নিবন্ধনের সময়সীমা: নির্বাচনি তফসিল ঘোষণার দিন হতে পনের দিন পর্যন্ত দেশে অবস্থানরত পোস্টাল ব্যালটে ভোটপ্রদানের যোগ্য ভোটারগণ Postal Vote BD অ্যাপের মাধ্যমে, নির্ধারিত পদ্ধতিতে, নিবন্ধন কার্যক্রম সম্পন্ন করবেন।

৩। ভোটদানের নিবন্ধন পদ্ধতি:

- (ক) গণপ্রতিনিধিত্ব আদেশ, ১৯৭২ এর অনুচ্ছেদ ২৭ এর দফা ১ (ক) ও ১ (গ) এ উল্লিখিত পোস্টাল ব্যালটের মাধ্যমে ভোট প্রদানে ইচ্ছুক ভোটারগণ নিজ মোবাইল নম্বর ব্যবহার করে নিবন্ধন করবেন।
- (খ) পোস্টাল ব্যালট প্রাপ্তি এবং ভোট প্রদানের জন্য Google Play Store/App Store হতে 'Postal Vote BD' মোবাইল অ্যাপ ডাউনলোড ও ইনস্টল করতে হবে।
- (গ) ব্যবহারকারী বাংলা/ইংরেজি যেকোন একটি ভাষা নির্বাচন করে অ্যাপে নিবন্ধনের নিমিত্ত প্রয়োজনীয় কাগজপত্র ও নির্দেশাবলী সম্পর্কে জানতে পারবেন।
- (ঘ) আবেদনকারী ভোটার সংযুক্তি-১ অনুযায়ী নিবন্ধন করবেন। নিবন্ধনের প্রথম পর্যায়ে সরকারি চাকুরীরত ভোটারগণের জন্য iBAS++ এবং নির্বাচনি দায়িত্বে নিযুক্ত ভোটারগণের জন্য নির্বাচন কমিশনের EMS প্যানেল হতে প্রাথমিক ভেরিফিকেশন সম্পন্ন করা হবে। অতঃপর OTP, Liveliness ও NID যাচাইপূর্বক আবেদন প্রক্রিয়া সম্পন্ন করা হবে।

(Signature)

অফিসের ঠিকানাঃ

নির্বাচন ভবন, প্লট নং-ই-১৪/জেড, আগারগাঁও, ঢাকা-১২০৭

যোগাযোগঃ

ফোন : +৮৮০-০২-৫৫০০৭৬০০ ফ্যাক্স : +৮৮০-০২-৫৫০০৭৫১৫

ই-মেইলঃ secretary@ecs.gov.bd ওয়েব এড্রেসঃ www.ecs.gov.bd

(ঙ) ব্যালট প্রাপ্তি নিশ্চিতকরে নির্ভুল ঠিকানা প্রদান আবশ্যিক।

(চ) বাংলাদেশের কোন জেলখানায় বা আইনি হেফাজতে আটক ভোটারের তালিকাভুক্তি সংশ্লিষ্ট কর্তৃপক্ষ কর্তৃক অনুমোদিত হবে এবং কর্তৃপক্ষ নিম্নলিখিত পদ্ধতি অনুসরণ করে জেলখানা/আইনি হেফাজতে থাকা ভোটারগণের নিবন্ধন প্রক্রিয়া সম্পন্ন করবেনঃ

(১) জেলখানা/আইনি হেফাজত কর্তৃপক্ষের অধীনে অন্তরীণ ভোটারগণের ভোটদান প্রক্রিয়া সম্পন্ন করবার জন্য সংশ্লিষ্ট কর্তৃপক্ষ ০২ (দুই) জন ব্যক্তিকে মনোনীত করবেন, যার মধ্যে একজন অপারেটর হিসেবে নিবন্ধন প্রক্রিয়া সম্পাদন করবেন;

(২) জেলখানা/আইনি হেফাজত কর্তৃপক্ষ পোস্টাল ব্যালটে ভোট প্রদানে ইচ্ছুক অন্তরীণ ভোটারগণের তালিকার সফটকপি/মুদ্রিত কপি সংযুক্ত-২ ছক অনুযায়ী যথাযথ কর্তৃপক্ষের স্বাক্ষরসহ বাংলাদেশ নির্বাচন কমিশনে প্রেরণ করবেন; এবং

(৩) জেলখানা/আইনি হেফাজত কর্তৃপক্ষ কর্তৃক প্রদেয় তালিকা অনুযায়ী পোস্টাল ব্যালটে ভোট প্রদানে ইচ্ছুক অন্তরীণ ভোটারগণের ডিজিটাল প্রাটফর্মে নিবন্ধন প্রক্রিয়া উপরোক্ত মনোনীত ব্যক্তি সম্পন্ন করবেন।

৪। ভোটারের নিকট পোস্টাল ব্যালট প্রেরণ: নিবন্ধিত সকল ভোটারের নিকট পর্যায়ক্রমে পোস্টাল ব্যালট পেপার প্রেরণ করা হবে। নির্ধারিত সময়ের মধ্যে নিবন্ধিত ভোটারগণ প্রদত্ত ঠিকানায় নির্বাচন কমিশন কর্তৃক প্রেরিত পোস্টাল ব্যালটসহ খাম পাবেন। জেলখানা/আইনি হেফাজতে অন্তরীণ নিবন্ধিত ভোটারগণ সংশ্লিষ্ট কর্তৃপক্ষের মাধ্যমে পোস্টাল ব্যালটের খাম পাবেন। ভোটারগণ নির্বাচন কমিশন হতে প্রাপ্ত বহির্গামী খামে (ফরম-৯ক) একটি পোস্টাল ব্যালট সম্বলিত খামের (ফরম-১০ক) মধ্যে পোস্টাল ব্যালট পেপার (ফরম-৭), একপাশে ভোট প্রদানের নির্দেশাবলী (ফরম-১১) ও অপর পাশে একটি ঘোষণাপত্র (ফরম-৮) সম্বলিত একটি পৃথক কাগজ এবং একটি ফেরত খাম (ফরম-১০খ) পাবেন। ফেরত খামে সংশ্লিষ্ট আসনের রিটার্নিং অফিসারের ঠিকানা মুদ্রিত থাকবে। প্রত্যেক ব্যালট পেপারে একটি স্বতন্ত্র শনাক্তকারী (unique identifier) নম্বর থাকবে। ভোটারগণকে প্রেরিত পোস্টাল প্যাকেজের বিবরণ সংযুক্ত-৩ এ সমিবেশিত। পোস্টাল ব্যালটের খাম প্রাপ্তির পরপরই ভোটারগণ Postal Vote BD মোবাইল অ্যাপ এ লগইন করে খামের উপর প্রদত্ত QR কোডটি স্ক্যান করবেন। এতে তিনি যে ব্যালট পেপারটি হাতে পেয়েছেন তা সিস্টেমে সনাক্ত হবে। জেলখানা/আইনি হেফাজতে অন্তরীণ ভোটারদের খামসমূহের QR কোড স্ক্যান/প্রাপ্তি স্বীকার সংশ্লিষ্ট কর্তৃপক্ষ কর্তৃক মনোনীত ব্যক্তি সম্পন্ন করবেন।

৫। পোস্টাল ভোট প্রদান ও ব্যালট পেপার ডাকঘোলে সংশ্লিষ্ট রিটার্নিং অফিসারের নিকট প্রেরণ:

(ক) পোস্টাল ভোটিং প্রক্রিয়ায় প্রেরিত ব্যালট পেপারে সকল প্রতীক মুদ্রিত থাকবে যার প্রতিটি প্রতীকের পাশে ফাকা ঘর/চেক বক্স মুদ্রিত থাকিবে; প্রার্থীর নাম মুদ্রিত থাকিবে না। ভোটাধিকার প্রয়োগের পূর্বে ভোটারগণ নির্দেশনাপত্র গড়ে ঘোষণাপত্রে যথাযথভাবে ব্যালট পেপারের ক্রমিক নং, ভোটারের নাম, জাতীয় পরিচয়পত্র নম্বর উল্লেখ করে প্রদত্ত স্থানে স্বাক্ষর করবেন। নিরক্ষর/অক্ষম ব্যক্তি অন্য একজন বৈধ ভোটারের সাহায্যে ফরম-৮ এর সংশ্লিষ্ট অংশ পূরণ করতঃ সত্যায়ন করে স্বাক্ষর করাবেন। এই ঘোষণাপত্র/সত্যায়নপত্র ছাড়া ব্যালট পেপারটি বৈধ হিসাবে গণ্য হবে না।

(খ) প্রতীক বরাদ্দ সম্পন্ন হলে অ্যাপ-এর মাধ্যমে অথবা নির্বাচন কমিশনের ওয়েব সাইট হতে ভোটারগণ প্রতিদ্বন্দ্বী প্রার্থী ও তার অনুকূলে বরাদ্দকৃত প্রতীক সম্পর্কে অবগত হবেন। ভোট প্রদানের জন্য ভোটারগণ Postal Vote BD মোবাইল অ্যাপ-এ লগইন করে সংশ্লিষ্ট আসনের প্রার্থীদের তালিকা দেখতে পাবেন এবং নির্দেশিকাতে প্রদত্ত পদ্ধতিতে ব্যালট পেপারে (ফরম-৭) মুদ্রিত প্রতীকের পাশে ফাঁকা ঘরে টিক (✓) চিহ্ন কিংবা ক্রস (x) চিহ্ন প্রদান করবেন। Postal Vote BD মোবাইল অ্যাপ-এ ভোটদান পদ্ধতির ভিডিও টিউটোরিয়াল বা ডিজিটাল কন্টেন্ট থাকিবে। জেলখানা/আইনি হেফাজতে অন্তরীণ নিবন্ধিত ভোটারগণ সংশ্লিষ্ট কর্তৃপক্ষ কর্তৃক প্রদত্ত ভোট প্রদানের জন্য নির্ধারিত স্থান হতে ভোটাধিকার প্রয়োগ করবেন। যথাযথভাবে ভোট প্রদানের নিমিত্ত সংশ্লিষ্ট ভোটারকে কারা/আইনী হেফাজত কর্তৃপক্ষ ভোটারের নিজ নিজ আসনের প্রার্থীদের নাম-প্রতীক সম্বলিত চূড়ান্ত প্রার্থী তালিকার কপি মুদ্রণ করে সরবরাহ করবেন। এক্ষেত্রে ভোটার গোপনীয়তা রক্ষার্থে তাদের ভোট প্রদানের জন্য সংশ্লিষ্ট কর্তৃপক্ষ উপযুক্ত পরিবেশ নিশ্চিত করবেন। ভোটাধিকার প্রয়োগের পূর্বে ভোটারগণ নির্দেশনাপত্র ও ঘোষণাপত্রটি গড়ে ঘোষণাপত্রে ব্যালটের ক্রমিক নম্বর, ভোটারের নাম, জাতীয় পরিচয়পত্র নম্বর উল্লেখ করে স্বাক্ষর করবেন। যদি ভোটার স্বাক্ষরদানে অক্ষম হয়ে থাকেন তবে উক্ত ঘোষণাপত্রটি (ফরম-৮) অন্য একজন ভোটার কর্তৃক সত্যায়ন করতে হবে।

(গ) পোস্টাল ব্যালট পেপারে ভোটার ভোট চিহ্নিত করবার পর শুধুমাত্র ব্যালট পেপারটি ছোট খামে (ফরম-১০ক) রেখে খামটি বন্ধ করবেন, অতঃপর উক্ত ব্যালট পেপার সম্বলিত খামটি এবং স্বাক্ষরিত ঘোষণাপত্রটি রিটার্নিং অফিসারের ঠিকানা মুদ্রিত হলুদ খামে (ফরম-১০খ) প্রবেশ করিয়ে তা বন্ধ করে বন্ধকৃত খামটি ডাকঘোলে দ্রুত প্রেরণের ব্যবস্থা গ্রহণ করবেন। উভয় খামই সেলফ এডহেসিভযুক্ত থাকবে ফলে সেলফ এডহেসিভ অংশের উপরিভাগের টেপটি খুলে নিলেই খাম বন্ধ হবে। এছাড়া উক্ত খামটি পাঠানোর জন্য কোন ডাক মাণ্ডুল প্রেরককে প্রদান করতে হবেনা। এটি বাংলাদেশ সরকার কর্তৃক পরিশোধিত থাকবে। ভোটগ্রহণের নির্ধারিত সময় শেষ হবার পূর্ব পর্যন্ত প্রাপ্ত পোস্টাল ব্যালট পেপার সমূহই কেবল গণনার

৯

আওতায় আসবে। জেলখানা/আইনি হেফাজতে অন্তরীণ ভোটার ভোট দানের পর বন্ধকৃত খামটি সংশ্লিষ্ট জেলখানা/আইনি হেফাজত কর্তৃপক্ষ কর্তৃক নির্ধারিত স্থানে/বাক্সে জমা করবেন। ভোটদান প্রক্রিয়ার স্লো-চার্ট সংযুক্তি-৪ এ সন্নিবেশিত।

(ঘ) ভোট প্রদান প্রক্রিয়া সমাপ্তির পর সংশ্লিষ্ট জেলখানা/আইনি হেফাজত কর্তৃপক্ষ প্রদেয় ভোটসহ পোস্টাল ব্যালটের সকল খাম সুরক্ষিত ভাবে সংরক্ষণ করবেন এবং যতদূর সম্ভব পোস্টাল ব্যালট সম্বলিত সকল খামসমূহ উক্ত এলাকার ডাক বিভাগের নিকট প্রেরণ/হস্তান্তর করবেন।

(ঙ) উক্ত এলাকার ডাক বিভাগের সংশ্লিষ্ট প্রতিনিধি জেলখানা/আইনি হেফাজত কর্তৃপক্ষ হতে প্রাপ্ত পোস্টাল ব্যালট সম্বলিত সকল খামসমূহ দ্রুততার সাথে সংশ্লিষ্ট রিটার্নিং অফিসারের ঠিকানায় প্রেরণের ব্যবস্থা গ্রহণ করবেন।

(চ) জেলখানা/আইনি হেফাজতে অন্তরীণ ভোটার ব্যতিত পোস্টাল ব্যালট ভোটারের নিকট প্রেরণের পর হতে রিটার্নিং কর্মকর্তার নিকট ফেরত আসা পর্যন্ত সমগ্র প্রক্রিয়াটির বিভিন্ন পর্যায়ে ব্যালটের অবস্থান মোবাইল অ্যাপের মাধ্যমে পর্যবেক্ষণ করা যাবে। ভোটারগণ স্ব স্ব মোবাইল হইতে Postal Vote BD মোবাইল অ্যাপ ব্যবহার করে নিজ ব্যালটের অবস্থান পর্যবেক্ষণ করতে পারবেন।

৬। ডাকঘোণে প্রাপ্ত পোস্টাল ব্যালট পেপার সম্বলিত ফেরত খামসমূহ সংশ্লিষ্ট রিটার্নিং অফিসার কর্তৃক গ্রহণ ও সংরক্ষণ: ডাক বিভাগ হতে প্রাপ্ত পোস্টাল ব্যালটসমূহ গ্রহণ, নথিভুক্তকরণ, সংরক্ষণ ও গণনার জন্য রিটার্নিং অফিসার একজন দায়িত্বপ্রাপ্ত কর্মকর্তাকে দায়িত্ব দেয়ার পাশাপাশি ভোট গণনার জন্য আসন ভিত্তিক একজন প্রিজাইডিং অফিসার এবং প্রয়োজনীয় সংখ্যক পোলিং অফিসার নিয়োগ করতে পারবেন। রিটার্নিং অফিসার কর্তৃক দায়িত্বপ্রাপ্ত কর্মকর্তা ডাকঘোণে পোস্টাল ব্যালটের খামসমূহ প্রাপ্তির পর খামের উপর প্রদত্ত QR কোড স্ক্যান করার মাধ্যমে প্রাপ্ত পোস্টাল ব্যালটের রেকর্ড রাখবেন, যা ফরম-১২ আকারে পোস্টাল ব্যালট বিতরণ ও প্রাপ্তি তালিকা হিসাবে সফটওয়্যার হতে জেনারেট হবে। সফটওয়্যার হতে জেনারেটকৃত এই ফরমে দায়িত্বপ্রাপ্ত কর্মকর্তা স্বাক্ষর করবেন।

৭। যথাযথ স্বাক্ষরবিহীন ঘোষণাপত্র (ফরম-৮)/ঘোষণাপত্র ছাড়া প্রাপ্ত ব্যালটের খাম (ফরম-১০ক) বাতিল/অবৈধ মর্মে সংরক্ষণ: প্রিজাইডিং অফিসার গণনার জন্য প্রাপ্ত খামসমূহ (ফরম-১০খ) খুলে প্রথমেই ঘোষণাপত্র (ফরম-৮) টি যথাযথভাবে স্বাক্ষরযুক্ত কিনা তা পরীক্ষা করে দেখবেন। ঘোষণাপত্র না থাকলে অথবা যথাযথভাবে স্বাক্ষরযুক্ত না থাকলে এর সাথে প্রাপ্ত ব্যালট পেপারের খাম (ফরম-১০ক) না খুলেই বিনষ্ট হিসেবে বাতিল মর্মে তা ব্যালট সম্বলিত খাম (ফরম-১০ক) সহ একত্র করে সংরক্ষণ করবেন।

৮। যথাযথ স্বাক্ষরযুক্ত ঘোষণাপত্র (ফরম-৮) সম্বলিত ব্যালটের খাম সমূহ গণনার জন্য আলাদা বাক্সে সংরক্ষণ: যথাযথভাবে স্বাক্ষরযুক্ত ঘোষণাপত্রসমূহ (ফরম-৮) আলাদা করে একটি খামে রাখবেন এবং ব্যালট পেপার সম্বলিত খাম (ফরম-১০ক) সংশ্লিষ্ট নির্বাচনি এলাকার নির্ধারিত বাক্সে সংরক্ষণ করবেন।

৯। পোস্টাল ব্যালটের মাধ্যমে প্রাপ্ত ভোট গণনা: পোস্টাল ব্যালট পেপার গণনার জন্য সাধারণ ভোটকেন্দ্রের ন্যায় রিটার্নিং কর্মকর্তার কার্যালয়ে আলাদা গণনা কেন্দ্র প্রস্তুত করা হবে। প্রাপ্ত পোস্টাল ব্যালটসমূহ সংশ্লিষ্ট আসনের জন্য নির্ধারিত ব্যালট বাক্সে সুরক্ষিতভাবে সংরক্ষণ করতে হবে। পোস্টাল ভোট গণনার সময় প্রার্থী/নির্বাচনি এজেন্ট/পোলিং এজেন্ট, গণমাধ্যমকর্মী, পর্যবেক্ষকগণ অন্যান্য কেন্দ্রের ন্যায় একই নীতিমালা অনুসরণে উপস্থিত থাকতে পারবেন। রিটার্নিং অফিসার ডেভেলপকৃত সফটওয়্যারে লগইন করার পর সংশ্লিষ্ট সংসদীয় আসনের পোস্টাল ব্যালটের মাধ্যমে প্রদত্ত ভোটের সামগ্রিক চিত্র দেখতে/জানতে পারবেন। অতঃপর নিম্নে উল্লিখিত পদ্ধতি অনুসরণ করে প্রাপ্ত ব্যালট পেপারসমূহ গণনা করবেন:-

(ক) প্রিজাইডিং অফিসার পোলিং অফিসারের সহায়তায় ব্যালট পেপার সম্বলিত খাম (ফরম-১০ক) সমূহ গণনার জন্য বাক্স খুলবেন এবং একের পর এক ব্যালট পেপার সম্বলিত খাম (ফরম-১০ক) সমূহ খুলে ব্যালট পেপার (ফরম-৭) বের করবেন। বৈধ ব্যালট পেপারসমূহ প্রার্থীভিত্তিক আলাদা করবেন এবং তা গণনা করবেন;

(খ) যে সমস্ত পোস্টাল ব্যালটে কোন্ প্রার্থীর অনুকূলে ভোট প্রদান করা হয়েছে তা সঠিক বোঝা না যায় সেগুলো অবৈধ/বাতিল ব্যালট হিসেবে আলাদা করবেন [গণপ্রতিনিধিত্ব আদেশ, ১৯৭২ এর অনুচ্ছেদ ২৭ (১০)(খ)];

(গ) প্রাপ্ত ফলাফল সাধারণ ভোটকেন্দ্রের ন্যায় ফরম-১৬(ক) তে লিপিবদ্ধ করে এর কপি প্রকাশ করবেন।

(ঘ) পোস্টাল ব্যালট গ্রহণের সময়সীমা অতিক্রান্ত হবার পর যদি কোন পোস্টাল ব্যালট পেপার সম্বলিত খাম রিটার্নিং অফিসারের নিকট পৌঁছায় সেইক্ষেত্রে প্রাপ্ত পোস্টাল ব্যালটসমূহ রিটার্নিং অফিসার/দায়িত্বপ্রাপ্ত কর্মকর্তা গ্রহণের তারিখ ও সময় উল্লেখসহ স্বাক্ষরপূর্বক সংরক্ষণ করবেন এবং উক্ত সংখ্যা প্রকাশ করবেন;

১০। ভোটগণনার বিবরণী প্রস্তুত, প্রকাশ ও সরবরাহ:

(ক) পোস্টাল ব্যালট পেপার গণনা শেষ হলে অন্যান্য সাধারণ কেন্দ্রের ন্যায় পোস্টাল ব্যালট এর ফলাফল ঘোষণা করতঃ সহকারী রিটার্নিং অফিসারগণ কর্তৃক প্রেরিত সাধারণ ভোটকেন্দ্রের ফলাফলের পাশাপাশি পোস্টাল ব্যালটে প্রাপ্ত ভোটের হিসাব ঘোষণা ও অন্যান্য কেন্দ্রের ফলাফলের সাথে একত্রিকরণ করে (ফরম-১৮) চূড়ান্ত ফলাফল প্রকাশ করবেন।

৫২

ত্রয়োদশ জাতীয় সংসদ নির্বাচন
পোস্টাল ভোটিং (আইটি সাপোর্টেড)
তালিকাভুক্তি প্রক্রিয়া

১

**মোবাইল অ্যাপ
ডাউনলোড করুন**



POSTAL VOTE
BD

২

**নতুন অ্যাকাউন্ট
জেরি করুন**

আপনার মোবাইল নম্বর দিয়ে নতুন অ্যাকাউন্ট জেরি করুন।

নতুন অ্যাকাউন্ট জেরি করুন

৩

**মোবাইল নম্বর
নিশ্চিত করুন**

আপনার মোবাইল নম্বর নিশ্চিত করুন।

মোবাইল নম্বর নিশ্চিত করুন

৪

OTP যাচাইকরণ

আপনার মোবাইল নম্বর দিয়ে OTP যাচাই করুন।

OTP যাচাই করুন

৫

**আপনার অ্যাকাউন্ট
লগইন করুন**

আপনার অ্যাকাউন্ট লগইন করুন।

লগইন করুন

৬

**নিবন্ধনের জন্য জাতীয়
পরিচয়পত্রের ছবি তুলুন**



৭

**সজীবতা পরীক্ষা
(Liveliness Check)**



৮

সেলফি তুলুন



৯

ব্যালট প্রাপ্তির ঠিকানা

আপনার মোবাইল নম্বর দিয়ে ব্যালট প্রাপ্তির ঠিকানা চিহ্নিত করুন।

ব্যালট প্রাপ্তির ঠিকানা চিহ্নিত করুন

১০



আপনার মোবাইল নম্বর দিয়ে ব্যালট প্রাপ্তির ঠিকানা চিহ্নিত করুন।

ব্যালট প্রাপ্তির ঠিকানা চিহ্নিত করুন

Download Postal Vote BD App

Play Store

App Store

সহায়তা

ইমেইল: info@ecv.gov.bd

ফোন: +8809410000185

facebook.com/BangladeshECS

www.ecv.gov.bd

www.ecv.gov.bd

www.ecv.gov.bd

www.ecv.gov.bd

www.ecv.gov.bd

বাংলাদেশ নির্বাচন কমিশন


Bangladesh Election Commission

www.ecv.gov.bd

B...


(সংযুক্তি-৩)

ত্রয়োদশ জাতীয় সংসদ নির্বাচন
পোস্টাল ভোটিং (আইটি সাপোর্টেড)
ভোটারগণকে প্রেরিত পোস্টাল প্যাকেজ



Handwritten signature

ত্রয়োদশ জাতীয় সংসদ নির্বাচন পোস্টাল ভোটিং (আইটি সাপোর্টেড) ভোটদান প্রক্রিয়া



০৬/১১/২০২৫

মোঃ শহিদুল ইসলাম
সিনিয়র সহকারী সচিব
নির্বাচন ব্যবস্থাপনা ও নম্বর-০১ শাখা
নির্বাচন কমিশন সচিবালয়, ঢাকা।